



АКАФИСТЫ,  
ЧТОМЫЕ  
В  
СЕМЕЙНЫХ  
НУЖДАХ



Сборник

**Акафисты, чтомые  
в семейных нуждах**

Православное издательство "Сатись"

2007

## **Сборник**

Акафисты, чтoмые в семейных нуждах / Сборник —  
Православное издательство "Сатись", 2007

ISBN 5-7373-0205-09

В брошюре собраны акафисты Пресвятой Богородице и святым угодникам Божиим, которые согласно традициям Православной Церкви имеют от Бога особую благодать помогать верующим в различных семейных нуждах.

ISBN 5-7373-0205-09

© Сборник, 2007  
© Православное издательство  
"Сатись", 2007

## Содержание

О небесном благословении брака	6
Акафист святым благоверным князю Петру и княгине Февронии, Муромским чудотворцам	6
Конец ознакомительного фрагмента.	15

# **Акафисты, чтомые в семейных нуждах**

По благословению Епископа Екатеринбургского и Верхотурского  
НИКОНА



## **О небесном благословении брака**

### **Акафист святым благоверным князю Петру и княгине Февронии, Муромским чудотворцам**

#### **Кондак 1**

Избранныи чудотворцы и величьи угóдницы Господни, града Мурома заступницы и приснии о душах наших молитвенницы, святїи благовернии княже Пётре и княгине Февронїе! Пение похвальное вам приносяще, молим вы усердно: яко имущии дерзновение ко Господу, представством вашим от всяких бед нас свободите, и наследники Царствия Небеснаго нас соделайте, да зовём вам радостно:

Радуйтеся, святїи и преславнии чудотворцы Пётре и Февронїе.

#### **Икос 1**

Ангели земнии и человецы небеснии воистину явистеся, блаженнии Пётре и Февронїе, от юности вашей чистую совесть имущии к Богу, и добре во благочестии и чистоте вкупе пожившии, нам же оставльшии в пример подражания житие ваше богоугодное, емуже чудящися и чудеса вашими озаряеми, зовём вам гласы хвалебными сице:

Радуйтеся, от юности вашей Христа возлюбившии и Тому от души поработавшии.

Радуйтеся, целомудрия хранители и душевныя и телесныя чистоты рачители.

Радуйтеся, души ваша и телеса на земли в обителище Духа Святаго уготовившии.

Радуйтеся, исполненнии премудрости и разума Божественнаго.

Радуйтеся, яко во плоти, яко безплотни, вкупе пожисте.

Радуйтеся, яко равноангельскую честь достойно приясте.

Радуйтеся, яко от земли на небо приидосте, и тамо со Ангелы Трбице предстоите.

Радуйтеся, яко со безплотными лики трисвятую песнь Ей воспеваете.

Радуйтеся, на небеси и на земли от Господа прославленнии.

Радуйтеся, обретшии вечное всесветлое место упокоения.

Радуйтеся, града Мурома сокровища пребогатая.

Радуйтеся, источницы неистощимии чудес.

Радуйтеся, святїи и преславнии чудотворцы Пётре и Февронїе.

#### **Кондак 2**

Видев князь Петр в возвратной болезни своей знамение гнева Божия, за неисполнение обета своего, пояти в супруги себе премудрую Февронию, потщася сие исполнити и сочетася с нею браком законным. Обаче и в супружестве целомудренно и богоугодно пожисте, блаженнии, имуще едину мысль во двою телу, еже благоугождати Богу, темже выну поете Ему ныне со Ангелы песнь: Аллилуїа.

## Икос 2

Разумом богопросвещенным свыше одареннии, Пётре и Феврбоние святїи, любовь и милосердие к бедным и сирым яviste, обидимым и беспомощным заступницы бысте, и иными добродетельми многими украсисте княжение свое земное. Сего ради вопием к вам сице:

Рáдуйтеся, блаженнии и треблаженнии, в боголюбии пожившии и благоверие сохранишии.

Рáдуйтеся, милости и сострадания преисполненнии.

Рáдуйтеся, беспомощных скории помощницы.

Рáдуйтеся, печальных блазии утешители.

Рáдуйтеся, сирот и вдовиц кормители.

Рáдуйтеся, сущих в бедах предстатели.

Рáдуйтеся, болезней душевных и телесных искуснии целители.

Рáдуйтеся, скорбных сердец радостотворнии посетители.

Рáдуйтеся, любовь вашу к Бóгу, любвию к ближним своим показавшии.

Рáдуйтеся, княжение ваше земное праведно и богоугодно содержавшии.

Рáдуйтеся, князей православных похвало и града Мурома утверждение.

Рáдуйтеся, всея земли Российския заступление.

Рáдуйтеся, святїи и преславнии чудотвóрцы Пётре и Феврбоние.

## Кондак 3

Силою благодати Божия управляем, блаженне княже Пётре, восхотел еси паче оставити град отечества твоего и княжение Муромское, неже бракоразвестися с премудрою Феврбониею по настоянию гордых боляр твоих. Сего ради Бог тя прослави и сотвори, да темиже боляры возвращенный вкупе с супружницею твоею, на престоле княжения Муромскаго паки утвердился еси, нам же пример хранения Закона Божия показуеши подвигом твоим, да подражающе тебе в святости хранения союза брачнаго, воспеваем Подвигоположнику Христу: Аллилуїа.

## Икос 3

Имуще попечение о людех своих, преблаженнии Пётре и Феврбоние, неусыпно подвизаетесь ко благу их, благочестие насаждая, нечестие искореняя, и вражду умиротворяя. Тёмже и Господь, видя таковыя подвиги ваша, землю Муромскую плодоносием благослови и мир глубок княжению вашему дарова, подвизая люди ваша благодарственно воспевати вам сице:

Рáдуйтеся, угбдницы Ббжии, житию великих святых сопричастницы.

Рáдуйтеся, правители предобрии, люди муромския ко спасению путеводившии.

Рáдуйтеся, христианскаго благочестия блюстители.

Рáдуйтеся, нестроения, раздоров и всякаго нечестия искоренители.

Рáдуйтеся, супругов христиан ко благочестивому житию наставницы.

Рáдуйтеся, целомудрия и воздержания супружескаго образи преизящнии.

Рáдуйтеся, праведнаго суда рачители.

Рáдуйтеся, немздоимства и безкорыстия ревнители.

Рáдуйтеся, святых царей Константина и Елены добродетелей стяжатели.

Рáдуйтеся, равноапостольнаго князя Владимира и блаженныя княгини Ольги достойнии преемницы.

Рáдуйтеся, двоице пречестная и благое сочетание, лучами чудес немерцаемо сияющии.

Рáдуйтеся, отечества вашего пресветлии светильницы.

Рáдуйтеся, святїи и преславнии чудотвóрцы Пётре и Феврóние.

#### Кондак 4

Буря скорбей и напастей, воздвигаемая злобою мира сего, не ослаби крепкия любви вашае яже к Бóгу, Пётре и Феврóние блаженнии, но паче научи вас благоискусно отражати разжженные стрелы искушений диавольских: вы бо оболкшеся в броню веры Христóвы, в мире глубоце преидосте многмятежную пучину житейскаго моря, и достигосте в тихую пристань спасения, к нейже и нас молитвами вáшими приведите, да вкупе с вами поем Бóгу: Аллилуїа.

#### Икос 4

Слышавше ближнии и дальнии благочестное житие ваше, благовёрнии Пётре и Феврóние, прославляху Человеколюбца Бóга, даровавшего вам крепость на вся дела благая, имиже, яко лучами пресветлыми, просиясте в отечестве вашем, идеже и до ныне имена ваша честны, и подвиги ваша воспеваются похвалами сими:

Рáдуйтеся, двоице пресветлая, Богом совокупленная.

Рáдуйтеся, светом благочестнаго жития вашего, яко светила богосветлая, просиявшии.

Рáдуйтеся, милостынею и молитвами Небёсное Цáрствие стяжавшии.

Рáдуйтеся, смирением и пощением вечное блаженство уллучившии.

Рáдуйтеся, яко мзда ваша многа на небесех есть.

Рáдуйтеся, яко радость ваша вечна во светлостех святых.

Рáдуйтеся, раби Христóвы возлюбленнии.

Рáдуйтеся, святых всех прїиснии друзи.

Рáдуйтеся, звезды непрелестнии, путь супружескаго жития богоугоднаго верно указующии.

Рáдуйтеся, облацы росоноснии, зной страстей и нечестия прогоняющии.

Рáдуйтеся, Бóжиих милостей и щедрот нам податели.

Рáдуйтеся, отечества вашего украшение неотъемлемое.

Рáдуйтеся, святїи и преславнии чудотвóрцы Пётре и Феврóние.

#### Кондак 5

Богопросвещеннии светильницы благочестия и предивнии чудотвóрцы Пётре и Феврóние, Бóга от всея души возлюбивше, вся заповеди Егó сохранисте: темже и Христóс, яко солнце и луну пресветлыя, показа вас, преблаженнии, чудес многих зарею озаряющия область Муромскую, и всю страну Российскую, прославив нетлением святых и многоцелебных мощи ваша, к нимже припадающе, по достоянию ублажаем вас, и выну благодарственно поем дивному во святых Своїх Бóгу: Аллилуїа.

#### Икос 5

Видевше житие ваше праведное и щедроты ваша, людие муромстии славляху вас, своих правителей милостивых, благовёрнии Пётре и Феврóние, вы же смирение истинное возлюбивше и похвалы человеческия небрегше, гордынею неуязвлени пребысте, и тем покажете нам образ вышшаго смирения, ему́же поучаяся, с любовию вопием вам таковая:

Рáдуйтеся, славу человеку ни во что же вменившии.

Рáдуйтеся, смирение Христóво усёрдно возлюбившии.

Рáдуйтеся, заповедей Госпóдних вернии исполнители.  
Рáдуйтеся, учения Евангельскаго истиннии последователи.  
Рáдуйтеся, раби Бóга вышняго, волю Егó сотворшии.  
Рáдуйтеся, веру Христóву до конца соблюдшии.  
Рáдуйтеся, христоименитым людем благочестия учителя.  
Рáдуйтеся, хотящих богоугодно жити богомудрии наставницы.  
Рáдуйтеся, молитвами вáшими спасающи нас от всяких бед.  
Рáдуйтеся, вся благая прошения наша исполняющи.  
Рáдуйтеся, в недузех страждущих благодатнии врачеве.  
Рáдуйтеся, милостивии страны Муромския покровителие.  
Рáдуйтеся, святїи и преславнии чудотвóрцы Пётре и Феврóние.

### **Кондак 6**

Проповедницы веры Православныя и ревнители благочестия, не словом токмо, но и всем житием своим, бысте во граде Муроме, прехвальнии Пётре и Феврóние: темже и святая Церковь достойне почитает подвиги и труды ваша, имиже трудитеся во славу Бóга вышняго, немолчно воспевая Ему: Аллилу́иа.

### **Икос 6**

Возсиясте во граде Муроме светом добродетельнаго жития вашего, я́ко звезды богосветлыя, преблаженнии Пётре и Феврóние, и память ваша в нем с похвалами до днесь, я́ко и по смерти своей не престаете озаряти нас, многая чудеса совершающе, и теми светлую зарю безсмертия нам от мощей ваших возсиявающе, да ублажаем вас благохвалении сицевыми:

Рáдуйтеся, чина и уставов святыя Церкви вернии хранители.  
Рáдуйтеся, служителей олтаря Госпóдня благоговейнии почитатели.  
Рáдуйтеся, благих обычаев и преданий святоотеческих ревнители.  
Рáдуйтеся, обычаев злых и суемудрий языческих искоренители.  
Рáдуйтеся, суды нелицеприятны людем вáшим творившии.  
Рáдуйтеся, суды ваша с милостию соединившии.  
Рáдуйтеся, кротцыи и незлобивии последователи Христóви.  
Рáдуйтеся, злобу добром препобеждавшии.  
Рáдуйтеся, нетления благоухающии цвети.  
Рáдуйтеся, безсмертия немерцающии лучи.  
Рáдуйтеся, на земли величием чудес блистающии.  
Рáдуйтеся, на небеси со Ангелы Бóга славящии.  
Рáдуйтеся, святїи и преславнии чудотвóрцы Пётре и Феврóние.

### **Кондак 7**

Хотяй Человеколюбец Господь явити в житии вашем, Пётре и Феврóние, образ назидания, не токмо людем мирским, но и ликом иноческим, внуши вам в старости маститей оставити славу княжения земнаго, и восприяти образ иноческий, в немже подвижастеся добре постом, бдением и молитвою, воспевая непрестанно Триединому Бóгу ангельскую песнь: Аллилу́иа.

## Икос 7

Новую благодать Божию во иночестем пострижении приемше, преподобнии, новыми подвигами украсисте равноангельское житие ваше, и тако сугуб плод совершенства духовнаго Христу принесосте, и мзду преподобных достойне от Него восприясте. Поминая убо такую ревность вашу к подвигом духовным, прославляем вас сими достодолжными похвалами:

- Рáдуйтеся, яко любве ради Гóспода, мира сего княжение и славу остависте.
- Рáдуйтеся, яко иноческое равноангельское житие усérдно восприясте.
- Рáдуйтеся, совершеннаго терпения подвижницы.
- Рáдуйтеся, вольныя нищеты блаженнии стяжатели.
- Рáдуйтеся, прежде кончины вашае вся страсти умертвившии воздержанием.
- Рáдуйтеся, восприявшии святую схиму в броню спасения.
- Рáдуйтеся, багряницу княжескую на власяницу иноческую пременившии.
- Рáдуйтеся, постом, бдением и непрестанными молитвами Бóгу добре угодившии.
- Рáдуйтеся, боголюбезнаго уединения взыскатели.
- Рáдуйтеся, спасительнаго безмолвия любители.
- Рáдуйтеся, слезами молитвенными орошеннии.
- Рáдуйтеся, в сонме преподобных на небеси прославленнии.
- Рáдуйтеся, святїи и преславнии чудотвóрцы Пётре и Феврoние!

## Кондак 8

Странное и дивное бе чудо, егда ты, блаженне Пётре, на кончине живота твоего, прошения ради супружницы твоея, святыя Февронии, исходом своим умедлил еси, дондеже сконча она пелену церковную ею сшиваему, и вкупе с тобою к исходу смертному приспе: и тако неразлучнии в житии, неразлучни и в кончине явистеся, и во един день и час святыя души своя в руке Бóжии предасте, зовуще присно живыми и мертвыми обладающему Влады́це Бóгу: Аллилу́иа.

## Икос 8

Вси чудяхуся и славляху дивнаго во святых Свои́х Бóга, егда святая ваша телеса, в разных гробех положенная, чудесно обретошася лежаща в общей гробнице, юже уготовасте себе, преподобнии, в соборней Цёркви гра́да Мýрома, идеже и до ныне неразлучно почиваете, чудотвóрцы святїи, неоскудная источающе исцеления всем, с верою прибегающим к вам и зовущим:

- Рáдуйтеся, союз любве вашае до гроба и за гробом верно сохраниши.
- Рáдуйтеся, не токмо в жизни, но и по смерти, о Гóсподе соединеннии.
- Рáдуйтеся, в супружестем благочестивем житии вам подражающим крепцыи помощницы.
- Рáдуйтеся, теплотою любве вашае и нас согревающии.
- Рáдуйтеся, смертию временною прешедшии к жизни вечней.
- Рáдуйтеся, от Гóспода нетлением и чудесы прославленнии.
- Рáдуйтеся, яко память ваша с похвалами и успение со святыми.
- Рáдуйтеся, яко имена ваша честна суть и благословенна во отечестве вашем.
- Рáдуйтеся, Российския страны удобрение благодатное.
- Рáдуйтеся, гра́да Мýрома ограждение несокрушимое.

Рáдуйтеся, о любящих и чтущих вас небеснии предстатели.  
Рáдуйтеся, приснопросящии нам у Гóспода дары благодати Егó.  
Рáдуйтеся, святїи и преславнии чудотвóрцы Пётре и Феврóние.

### Кондак 9

Вси Ангели и святых лики радовахуся радостію велиею, егда святыя души ваша достигоша вечнаго в обителях райских селения, и Сам Творец Ангелов и Святейший святых, Царь славы Христóс, безсмертия венцы увенча вас и дарова вам благодать, молитися Ему со дерзновением многим о всех ищущих вашего заступления; егоже не лишите и нас грешных, Пётре и Феврóние достохвальнии, смиренномудренно воспевающих прославльшему вас Бóгу хвалебную песнь: Аллилу́иа.

### Икос 9

Витийство человеческое не довлеет к достойному прославлению дивнаго жития вашего, святїи чудотвóрцы Пётре и Феврóние: кто бо исповесть вся моления и пощения, болезни и труды ваша; кто изочтет вся слезы и воздыхания ваша яже к Бóгу; обаче мы, любовью к вам подвижаеми, дерзаем воспевати вам сия малыя и нехитростныя похвалы:

Рáдуйтеся, благодати Святаго Дúха избраннии сосуди.  
Рáдуйтеся, радости нам вечныя благоприятнии ходатаи.  
Рáдуйтеся, богобоязненных супругов в благочестии утверждение.  
Рáдуйтеся, нарушителей супружескаго целомудрия и согласия грозное обличение.  
Рáдуйтеся, гнев Божий, праведно движимый на нас, молитвами вашими утоляющи.  
Рáдуйтеся, о мире всего мира непрестанно Гóспода умоляющи.  
Рáдуйтеся, на враги видимыя и невидимыя крепцыи нам споборницы.  
Рáдуйтеся, ангелонравнии человецы.  
Рáдуйтеся, преподобных и праведных сонаследницы.  
Рáдуйтеся, Пресвятыя Трбицы вернии угóдницы.  
Рáдуйтеся, блаженнии обитатели горняго града Иерусалима небеснаго.  
Рáдуйтеся, со святыми торжествующии в скиниях райских.  
Рáдуйтеся, святїи и преславнии чудотвóрцы Пётре и Феврóние.

### Кондак 10

Спасение вечное унаследовавше, богоблаженнии Пётре и Феврóние, душами вашими в обителях горних неразлучно в Бозе пребываете, святыми же мощами вашими в храме Божиим нетленно вкупе почиваете, и обильная исцеления источаете, да чудесы вашими благодатно озаряеми, хвалебно взываем Верховному Творцу чудес Бóгу: Аллилу́иа.

### Икос 10

Стену заступления благоприятныя молитвы ваша к Бóгу обретше, святїи чудотвóрцы Пётре и Феврóние, благодарение Отцú Небесному усérдно возсылаем за вся благодеяния Егó, вами всем нам обильно являемая, вам же, предстателем нашим, сщевое приносим пение:

Рáдуйтеся, всесветлаго Цáрствия Христова наследницы.  
Рáдуйтеся, ангельских ликов собеседницы.  
Рáдуйтеся, Бóга во славе непрístupней созерцающи.

Рáдуйтеся, Трисияннаго Божества таинницы.  
Рáдуйтеся, со святыми на небеси вечно царствующии.  
Рáдуйтеся, от горних высот к земнородным милостивно приникающии.  
Рáдуйтеся, крини благоуханныи небеснаго прозябения.  
Рáдуйтеся, кипариси чудоточнии рая Иисусова.  
Рáдуйтеся, податели независтнии безмезднаго врачевания.  
Рáдуйтеся, совершители достохвальнии многих чудес.  
Рáдуйтеся, благодеяний множество нам источающии.  
Рáдуйтеся, милостию сострадания вашего всех объемлющии.  
Рáдуйтеся, святїи и преславнии чудотвóрцы Пётре и Феврóние.

### **Кондак 11**

Пéние молебное приносим вам, угóдницы Бóжии Пётре и Феврóние, и с любовью припадаем к раце святых и многоцелебных мощей ваших, прославляя житие ваше богоугодное и подвиги многи. Молимся вам усéрдно, чудотвóрцы святїи, помозите нам подражати вáшим добродетелем, да возможем богоугодно пети Создателю нашему: Аллилу́иа.

### **Икос 11**

Света небеснаго исполнен бе соборный храм града Мúрома, егда благоволением Бóжиим святыя мощи ваша, Пётре и Феврóние, целы и благоуханны обретошася в нем, и из недр земных, я́ко сокровище драгоценное, изнесены быша, идеже и до ныне почивают, исцеления неоскудная источающе недужным и болящим. Сего ради песненно вопием вам:

Рáдуйтеся, злато нетленное, в недрах земных обретенное.  
Рáдуйтеся, бисери сияющии и благодатно просвещающии человеков.  
Рáдуйтеся, святыя Православныя Церкви похвало.  
Рáдуйтеся, ересей и расколов обличение.  
Рáдуйтеся, свети умнии, зарею Свята́го Дúха облистающии.  
Рáдуйтеся, мира благоухания Христова преисполненнии.  
Рáдуйтеся, облеченнии в ризу благодатнаго нетления.  
Рáдуйтеся, препоясанныи силою многих чудес.  
Рáдуйтеся, я́ко рака ваша честная лечебница явися недугом человеческим.  
Рáдуйтеся, я́ко от нея всяк с верою приходяй дары целебныя приемлет.  
Рáдуйтеся, светлостию чудес ваших мрак душ нáших озаряющии.  
Рáдуйтеся, нетлением святых мощей ваших зарю общаго всех воскресения нам показующии.  
Рáдуйтеся, святїи и преславнии чудотвóрцы Пётре и Феврóние.

### **Кондак 12**

Благодать свыше вам дарованную познавше, святїи чудотвóрцы Пётре и Феврóние, с благоговением и любовью покланяемся нетленным и многоцелебным мощем вáшим, и от них приемлем в недужех исцеление, в скорбех утешение, в бедах благодатную помощь: темже и прославляем вас по достоянию, небесных предстателей и заступников нáших, воспевая песнь хвалы и благодарения вами благодворящему нам Влады́це Бóгу: Аллилу́иа.

## Икос 12

Поюще многая и преславная ваша чудеса, величьи угóдницы Бóжии Пётре и Феврóние, уболажаем вас, яко целителей, утешителей и помощников от Гóспода нам дарованных, и молитвенно торжествуем святую память вашу, от любве сердечныя воспевая вам благодарственно и хвалебно:

Ра́дуйтеся, во благоухании святыни нетленно почивающии.  
Ра́дуйтеся, с верою приходящих к раце мощей ваших благодатно освящающии.  
Ра́дуйтеся, призывающих молитвенно честная имена ваша скории услышатели.  
Ра́дуйтеся, упование на вас по Бозе возлагающих дивнии помощницы.  
Ра́дуйтеся, известнии умилоствители Царя Небéснаго.  
Ра́дуйтеся, сильнии защитницы наши от врагов невидимых.  
Ра́дуйтеся, приснии всем нам ходатаи спасения.  
Ра́дуйтеся, неотступнии хранители гра́да Мурома.  
Ра́дуйтеся, князей Российских пречудная доброто.  
Ра́дуйтеся, отечества вашего Богом дарованныи покровители.  
Ра́дуйтеся, телес на́ших благодатнии целебницы.  
Ра́дуйтеся, о душа́х на́ших усерднии ко Гóсподу моли́твенницы.  
Ра́дуйтеся, святíи и преславнии чудотво́рцы Пётре и Феврóние.

## Кондак 13

О святíи и преславнии чудотво́рцы, благовёрнии кня́же Пётре и кня́гине Феврóние! Примите милостивно сие похва́льное пение, от нас недостойных во умилении вам приносимое, и ва́шим предста́тельством у Гóспода испросите нам утверждение в вере и добрых делех, и избавление от всех скорбей и болезней временных и вечных, да сподобимся вкупе с вами и всеми святыми во Цáрствии Небеснем пети Пресвятей Трóице вечно хвалебную песнь: Аллилу́иа.

*Этот кондак читается трижды, затем 1-й икос: «Ангели земни...» и 1-й кондак: «Избрáннии чудотво́рцы...».*

## Молитва

О величьи угóдницы Бóжии и предивнии чудотво́рцы, благовёрнии кня́же Пётре и кня́гине Феврóние, гра́да Мурома предстатели и хранители, и о всех нас усерднии ко Гóсподу моли́твенницы: к вам прибегаем и вам мо́лимся со упованием крепким: принесите за нас грешных святыя молитвы ваша ко Гóсподу Бо́гу, и испросите нам у благодати Егó вся благопотребная душам и телесем нашим: веру праву, надежду благу, любовь нелицемерну, благочестие непоколебимое, в добрых делех преуспеяние, мира умирение, земли плодоносие, воздуха благорастворение, душам и телесем здравие и вечное спасение. Испросите Цёркви святей и всей державе Российстей мир, тишину и благоустроение, и всем нам житие благополучное и добрую христианскую кончину. Оградите отечество ваше, град Муром, и вся грады российския от всякаго зла, и вся правоверныя люди, к вам приходящия и мощем поклоняющияся, осените благодатным действием благоприятных молитв ваших, и вся прошения их во благо исполните. Ей, чудотво́рцы святíи: не презрите молитв на́ших, со умилением вам возносимых, но будьте о нас приснии предстатели ко Гóсподу, и сподобите нас помощью вашею святою спасение веч-

ное получить и Царство Небесное унаследовати: да славословим неизреченное человеколюбие Отца, и Сына, и Святаго Духа, в Троице покланяемаго Бога, во веки веков. Аминь.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.